

修訂日期: 2004/11/14 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1355

原始資料: 蕭鎮國大德提供, 北美某大德提供

No. 1355 [Nos. 1351-1354]

佛說聖最上燈明如來陀羅尼經

西天北印度烏填曩國帝釋宮寺三藏傳法大師賜紫沙門臣施護奉 詔譯

如是我聞。一時佛在舍衛國祇樹給孤獨園。與大苾芻眾千二百五十人俱。及百千無央數人天菩薩之眾。恭敬圍遶而為說法。爾時百千俱胝佛刹皆往詣。彼無邊花世界。最上燈明如來應正等覺。現身住止經行說法。彼有二菩薩。一名大光明二名無量光。爾時彼佛遣二菩薩。往娑訶世界祇樹給孤獨園。詣釋迦如來正遍知覺所。到已頭面禮世尊足而坐一面。彼二菩薩白世尊言。去此佛土經行百千俱胝佛刹。有世界名無邊花。彼土有佛。名最上燈明如來應供正遍知。現住其中恒說妙法。彼世尊最上燈明如來正遍知覺故。遣我等詣娑訶世界。問訊世尊少病少惱。云何氣力輕利安住快樂。彼如是說。又此所有人非人。部多毘舍佐藥叉羅刹。供盤茶供盤茶軍主。王法盜賊。蛇蝎惡瘡蟲蟻羯拏怖嚇蟲。如是等類擾亂煩惱故。彼世尊最上燈明如來應供正遍知。說此陀羅尼真言章句。名聞十方故遣來此。為利益安樂一切眾生。顏貌怡悅色相具足身意泰然。以此祕密功德力故擁護有情。即說陀羅尼曰。

怛儺也(二合)他(去一引)入嚩(二合引)禮(二)入嚩(二合引)攞孽帝(三)呼迦穆迦(四)三(去)麼帝麼賀(引五)三(去)麼帝(六)麼賀(引)入嚩(二合引)禮(七)入嚩(二合引)攞銘(八)薩呬薩禮(九)麼賀(引)入嚩(二合引)禮(十)塢計蘇計(十一)多銘三麼帝(十二)麼賀(引)三麼帝(十三)麼賀(引)三銘(十四)娑嚩(二合引)賀(引十五)

爾時世尊告尊者阿難言。汝今諦聽。此陀羅尼章句甚為難得。受持讀誦為他解說。此阿牟尼陀羅尼。佛出世時亦難得遇。若有族姓男族姓女。聽聞受持為他解說。得宿命通見彼七生之中宿命之事。一切煩惱皆悉消除。一切宿業而皆不受。

復次阿難陀。此陀羅尼真言章句。七十七俱胝佛同共宣說。若一切有情。聞此陀羅尼章句不信毀謗者。即同毀謗七十七俱胝佛。

爾時無能勝菩薩摩訶薩。即從坐起偏袒右肩右膝著地。合掌向佛白佛言。世尊我亦宣說陀羅尼真言章句。為利益安樂諸眾生故。以此祕密擁護有情。增長殊勝福力色相怡悅故。即說陀羅尼曰。

怛儺也(二合)他(去引)阿跢(摘固反)嚩跢(准上切一)曩跢(亦准上)麼賀(引)矩曩跢(亦准上二)阿乞嚩(二合)臬迦臬(三)阿曩(引)迦臬(四)麼曩迦臬(五)阿拏(拏固反)哆(六)佉祖(引)麼賀(引)佉祖(七)薩嚩(奴賈反)契哆嚩(准上七切)契(八)哆嚩銘(九)咄嚩銘(十)醯禮蜜禮底禮(十一)娑嚩(二合引)賀(十二引)

爾時世尊告尊者阿難陀言。汝今諦聽。此摩尼陀羅尼章句甚為希有。汝當受持讀誦為他解說。佛出于世亦甚希有。復次阿難陀。若族姓男族姓女。如是聞此陀羅尼章句。若受持諷念讀誦解說。得宿命通見彼十二生中宿命之事。一切宿業而不復受。

復次阿難陀。此陀羅尼章句。八十俱胝諸佛同共宣說。若有毀謗此陀羅尼者。即為毀謗八十俱胝佛而無有異。

爾時文殊師利童子。即從坐起偏袒右肩右膝著地。合掌恭敬白佛言。世尊我亦說此陀羅尼章句為利益安樂一切眾生。以此祕密殊勝大力擁護有情。增長色相身心怡悅故。即說陀羅尼曰。

怛儻也(二合)替能(去一)阿闍麼闍(二)曩爾(仁際反)[寧*頁](三)曩(引)譏囉臬(四)曩醯(上)禮(五)曩醯(上)禮(六)惹醯(上)攞贊儻(七)贊拏禮(八)贊拏(上)攞嚩帝(九)娑嚩(二合引)賀(引十)

爾時世尊告尊者阿難陀言。汝今諦聽。阿難陀此陀羅尼章句難得希有。汝當受持讀誦為他解說。阿難陀此陀羅尼章句。佛出世時亦復希有。阿難陀此陀羅尼章句。若有族姓男族姓女。聽聞受持讀誦諷念為他解說。得宿命通見彼十三生宿命之事。一切煩惱皆悉消除。一切宿業而皆不受。

復次阿難陀。此陀羅尼章句。八十二俱胝菩薩同共宣說。若有毀謗此陀羅尼者。即為毀謗八十二俱胝菩薩而無有異。

爾時世尊告諸苾芻言。我亦說此陀羅尼章句。為利益安樂一切眾生。令諸有情福德增長。身心怡悅名稱普聞。有大勢力顏貌端正。以此祕密擁護故。即說陀羅尼曰。

怛儻也(二合)替能(去一)阿跢(摘固反引)嚩跢(准上切二)曩跢(亦准上)矩曩跢(准上三)姪計姪囉計(四)多嚩吠靚嚩吠(五)囉吒吠(六)[口*路](去引)禮魯禮(七)賀禮蜜禮(八)底禮始禮(九)尸里(上)含禮(十)阿普嚩普(十一)曩普矩曩恥(十二)阿曩跛底(丁以反十三)嚩曩跛底(准上切)計臬計臬計臬(十四)姪(輕呼)臬姪臬姪臬(十五)麼賀(引)姪臬娑嚩(二合引)賀(引十六)

爾時世尊告尊者阿難陀言。汝今諦聽阿難受持此陀羅尼章句。讀誦諷念為他解說。阿難陀此陀羅尼章句甚為希有。阿難陀此阿牟尼陀羅尼章句。佛出世時亦甚希有。阿難陀若族姓男族姓女。聽聞受持為他解說。得宿命通見彼十四生中宿命之事。一切煩惱皆悉消除。一切宿業而皆不受。復次阿難陀此陀羅尼章句。八十四俱胝佛同共宣說。若有毀謗此陀羅尼者。即為毀謗八十四俱胝佛而無有異。阿難陀若有族姓男族姓女。於枯朽樹下以此陀羅尼章句若讀若誦。潛護救濟火不能燒。令彼枯樹重生枝葉花菓敷榮。何況受持之人。爾時世尊復告諸苾芻言。我今重說陀羅尼章句。為利益安樂一切眾生。顏貌怡悅名稱普聞。福德增長色相端嚴。以此祕密擁護故。即說陀羅尼曰。

怛儻也(二合)替能(去一)阿跢(摘固反)嚩跢(亦准上二)姪計姪囉計(三)多嚩跛底(四)靚嚩跛底(五)靚嚩蜜底(六)靚嚩蜜蜜底(七)靚嚩靚[口*(隸-木+士)](八)蘇[口*(隸-木+士)]醯禮(九)母禮底禮(十)娑嚩(二合引)賀(引十一)

爾時世尊告尊者阿難陀言。汝今諦聽。此陀羅尼章句甚為希有。汝等受持讀誦為他解說。阿難陀此阿牟尼陀羅尼佛出于世亦甚希有。阿難陀若族姓男族姓女。聞此陀羅尼章句。受持讀誦為他解說。得宿命通見彼二十一生宿命之事。一切煩惱皆悉消除。一切宿業而皆不受。又復擁護所有一切部多。一切天龍藥叉健闥阿蘇囉孽嚕茶緊那羅麼護囉識人非人不能侵害。乃至一切惡瘡蛇蟲羯拏婆蟲亦不能為害。又復無彼一切瘡病風黃痰癩。如是等病須臾發動。至一日二日三日四日。乃至七日半月一月一年。長時不能侵害。又復無彼一切瘡腫癰疽疹緩疥癩瘡癬。一切病惱一切業障一切厭禱。及一切吠路茶皆不能侵害。復次阿難陀此陀羅尼章句。九十九俱胝佛同共宣說。若有毀謗此陀羅尼者。即為毀謗九十九俱胝佛而無有異。復次阿難陀此陀羅尼章句。入王宮時憶念。入羅刹中時憶念。入師子虎狼中時憶念。入曠野中時憶念。入暴惡河中時憶念。為水火難時憶念。為毒藥所中時憶念。一切怖畏時憶念。皆不能為害。復次阿難陀。有受持此陀羅尼者。若遇惡人執持刀棒。瞋怒逼趁欲來傷害。彼持刀棒自然碎折而得解脫。阿難陀我意觀見人間天上。及魔羅梵天沙門天人阿蘇囉眾中。若以此陀羅尼真言章句。擁護救濟結界守護。息除災難無越此陀羅尼者。何以故。阿難陀此阿牟尼陀羅尼。加持護念一切煩惱悉皆消除。爾時四大天王白世尊言。此正法滅時。我等與彼正法助威神力。廣宣流布令法久住。彼受持法師我亦加護。遣除一切魔羅。世尊讚言。善哉四大天王。發勇猛慈而護正法。爾時四大天王知其佛意。亦從坐起說陀羅尼曰。

怛儻也(二合)他(去引一)吠難(去)膩吠難(去)膩(二)麼賀(引)難(去)膩(三)娑檐(二合)婆(去)[寧*頁](四)染(引)婆(去)[寧*頁](五)吒吒[寧*頁]吒吒[寧*頁](六)麼賀(引)吒吒[寧*頁](七)矩跢(摘固反)矩跢(准上)[寧*頁](八)麼賀(引)矩吒(九)達(轉舌)麼禮瑳麼呬(上)娑嚩(二合引)賀(引十)

世尊言。若有族姓男族姓女。得聞此陀羅尼章句。解說彼明句義受持讀誦。一切煩惱悉皆消除。一切世間得無障礙。如持一切妙法。是時世尊告四天王言。善哉善哉如汝所願令法久住。復告阿難陀言。汝今諦聽。正法受持讀誦為他解說。令彼有情得大福德名稱普聞。阿難陀言。唯然世尊。若有聽聞我專記憶。爾時世尊以真實之義。方便開示而說偈言。

此經陀羅尼	過去諸佛說
我今亦說此	真言章句義
令彼聽受持	利益諸眾生
見二十一生	種種宿命事
無彼人非人	藥叉供盤茶
羅刹布怛曩	而作諸障難
宣示陀羅尼	所欲皆自在
魔羅罪業等	障難自消除

說彼陀羅尼	父母與兄弟
知識及眷屬	惡事不能害
受持陀羅尼	曠野道路中
師子虎狼等	不能為怖畏
讀誦陀羅尼	百千俱胝劫
宿作諸罪業	七日盡消除
解說陀羅尼	七日得一切
菩薩之福德	俱胝劫不盡
令此陀羅尼	常有四天王
持國與多聞	增長及廣目
領自一切眾	色相具威神
擁護於四方	及持真言者

爾時世尊說此陀羅尼章句已。阿難陀及大聲聞眾。慈氏菩薩文殊師利菩薩摩訶薩。四大天王及天人阿蘇囉乾闥婆等。聞佛所說一心受持。歡喜踴躍作禮而退。

佛說聖最上燈明如來陀羅尼經